

*chaboy*

*qonta' DeSDu'*

DIS 2020 paqvam lIng lam 'aj Se'vIr malja'



2020 paqvam lIngmeH DIb © DoQ DeSDu' jen puqloD. Hoch lIngmeH DIb luQanlu'.

«HIqIm, chaboy, SIBI' Daqvamvo' maHaw'nIS jay'.»

pa' bebDaq wovtaH wovmoHwI'mey qutlh. DenIS qa'vIn HIvje'vo' 'et tamghay butHa'e' lIngbogh bIH. raS QoHtaH poS ro'Daj. merly buStaH. merly'e', DenIS buSHa'taH. luvnup SIQlaw'taH. qImmoHmeH tuS'eghmoH DenIS. ghIq mu'tlhegh jatlhpu'bogh jatlhqa'pu'.

jangDI', «ghgh» neH jatlh.

«jISagh, chaboy. majaHnIS. *DaH*. Dat chaHtaH ghan'Iq yaSpu'e'. nuqop chaH DaneH'a'? pIjHa' vengHommey machDaq beyll'mey luHejlu'ta'. 'ej SIBI'Ha' HejwI'pu' bopbogh De'e' lughojchoH. cha' HejwI' tu'lu' wejHa' 'e' luSov. Hung HaSta tamey nuDDI' chaH, ghaytan latlh De' lughoj: be' ghaH wa' HejwI''e' 'ej loD ghaH latlh HejwI''e'. ghIq ghaytan latlh De' luloychu': parmaqaypu' chaH cha' HejwI'pu''e' nejll'bogh. ghIq latlh De' luloychu': vengHom Sung chaHbe' HejwI'pu''e' 'ej taw'a' retlhDaq mebpamey qachHom lamDaq ratlh HejwI'pu'. ghIq qaS nuq? bIghHa'Daq wIqemlu'! vaj DaHjaj matlhed 'e' vIchup. vabDot qaq povam.»

tlhaqDaj nuD.

tup puS ret neH qaSpu' Sochvatlh wa'maH vagh rep.

DaH raS QoHqu'choH ro'Daj. tamtaHmo' merly, moghqu'choH. 'ach pay' jatlhqangchoH parmaqayDaj 'e' tulmo', tamchoH je DenIS. SIBI' pagh jatlh merly. puq chonnaQDaj woH 'ej nujDajDaq QIm luDuDlu'pu'bogh vev. ghIq Dechbogh Qe' nuD. loghjaj 'oH jajvam'e'. *Waffle House* Qe'vamDaq SaH Hutvagh. jawlu'. joSlu'. nIQ Sopl'u'. De' chu' ghItlhmey laD qabDu' puS. wa' De' chu' ghItlh laDwI' buS merly. wIjwI'Hey ghaH 'ej nIteb raS tIqDaq ba'taH, De' chu' ghItlhDaj laDtaHvIS. De' chu' ghItlhDaj tenwal wa'DIch laDlaH: *wej beyll' HejwI'pu' ngu'ta' ghan'Iq*. mon merly.

«maHejchu'ta', qar'a'?»

«wej. Huch wIghaj 'a wIqoplu' 'e' wIjunnIS» jatlh DenIS. wuSDu'Daj jojDaq tllIch naQ lan ghIq meQ. por pur ghIq merIyvaD tllIch naQ nob. 'oH tllhap ghaH, pagh jatllhtaHvIS. buSHachmeyDaj paQtaH. qechmeyDaj luS yabDaj 'e' yaj DenIS vaj tamtaH 'ej SujQo'. ghIq buSHach qelli'bogh ngu'laH pay' 'e' tllhoj ghaH.

«'a bIyonbe', qar'a'?»

qar 'e' ghaSmeH nachDaj tllIn tav merIy. «not» jatlh. monqu'choH.

tochDaj lo'taHvIS, nIH mInDaj yach DenIS. tllIch naQ tllhapqa' 'ej pe'vIl tllIch purqa'. nguy. raS SumDaq ba' be', puqloDDaj je 'e' tu'. wejmaH ben boghpu' SoS 'ej loS ben boghpu' puq 'e' noH DenIS. puqloDDaj SopmoH 'e' nIDqu' be'.

«naH tllhagh neHbe'!» jatlh puq, jachtaHvIS.

jatlh SoS «yISop, puqwl'! nom bISopnIS! tugh yaHwIj vIjaHnISchoH ghIq qaStaHvIS pem Hoch nIjIH vavnI'oy, SoSnI'oy je. chaH Datlhej 'e' DatIv qar'a'?»

«ghobe'!» SopQo' loDHom. tagha' nujDaj poSmoHmeH ghapqa'Daj 'eS 'uch SoS. 'a noSmoHta' neH. pe'vIlHa' Hagh DenIS. wa' tup qubbID merIy, qechmeyDaj Qob je Ilij 'e' luqaSmoH SoS, puqloDDaj je. 'a ghIq nargh merIy ghop. tllIch naQ nIH. tllIch pur ghIq pa' bebDaq qabDaj Qeq.

*veqlargh ghaH Qub DenIS, qeHtaHvIS. nItebHa' maSeng 'ej maHeS reH 'e' qap 'ej not gher>ID qel. SengHa' not 'e' nID.*

ben law' DenIS ngelpu' merIy, Sengwl' ghaHmo'. poymar ghaH. yIn wanl'mey tIvqu'mo', rut pe'vIl HaghchoH veqlarghna' rurtaHvIS. 'ej qabqu'mo' qechmeyDaj, QaQ bIH.

DaH DenISvaD way'ar neH 'oS merIy. Qob.

ra' DenIS. «nab Da'oghII'bogH yIngu', merIy» jatlh.

por purqa' merIy 'e' bej. tomtaH nachDaj. yonmoH tIhIch qu'. SoQchoH mInyoDDu'Daj. QIt tomHa'choH nachDaj. poSqa'DI' mInDaj, DenIS buSHa'chu'. tIppan jengva' DungDaq tIhIch naQ lan 'ej poH 'Iq qubbID tIppan QeyHa' teqmeH tIhIch naQ QoH, SIqwI'Daj lo'taHvIS.

DenISvaD tIhIch naQ nobHa' 'ej jabwI' rIt.

«nuqneH?» jatlh jabwI'.

jatlh merIy «HIvje'meymaj tItebqa'. qa'vIn wIneH.» mon. 'ach montaHvIS buQwI' rur; naHHa'wI' qa'.

jang jabwI'. «lu» jatlh. bItmoHpu' merIy monmeH Ho'DoS.

«De' chu' ghItIh vISuq, cheghaHvIS ghaH» jatlh merIy, mejpu'DI' jabwI'. DeSDaj SIch DenIS. ba'nISmoH. jatIhnISmoH. meqnISmoH jay!' 'a tIhoy nom vIH merIy. wejHa' raSchaj, raS tIq je chuq bID IIDta'. De' chu' ghItIh laDI'bogH wIjwI'Hey'e' chollaw'II'.

quSlabDajDaq tIhe' DenIS. quSlabDaj Dub 'uchchoH.

SutIh wIjwI'Hey, merIy je 'e' bej ghaH. tagha' De' chu' ghItIh tenwal wa'DIch, mIllogH lutmey tIhaQ tenwal je SuqmeH cha' tIhIch naQmey mechta' merIy.

QIt chegh, popDaj qengtaHvIS. raSDaq cha' tenwalmey Suqta'bogH roQ 'ej ba'qa'.

mIllogH lutmey tIhaQ tenwal woH 'ej laDchoH.

«va, HeSwI' QIv SoH 'e' DatIhoj'a'? qech Dojmey Da'oghtaH 'a gher'ID DaDIghmeH Dup DaqelQo!' bIba'taH neH 'ej bItamtaH neH 'ej De' chu' ghItIhIj DalaD neH! 'ej qay' pagh bIja'egh 'a teHbe'ba'!»

jangQo' merIy. *Bruce Rocket, Spaceman* buS; paq'a' laDbogh maqlegh'e' rur.

nguyqa' DenIS. chegh jabwI'. HIvje'meychaj teb ghaH.

«tlho'» jatlh DenIS. mu' rap jatlh merIy 'ach DachtaH. DaH Garfield, Odie je bopbogh mIllogh lut laDII'.

qaStaHvIS lupmey puS qa'vIn buStaH neH DenIS. 'oHvo' 'oqHa'taH SeS. ghIq nom HIvje'Daj woH 'ej qa'vInDaj bID tlhuth; pe'vIl bl'chu'. qa'vInDaj nIHmeH paw vay' 'e' Har ghaH tlhoS 'e' Har vay', wanI'vam leghpu'chugh. chayqa'Daj meQ qa'vIn tuj tlhuthpu'bogh. logh'obDaj qIp.

«'eQ SengIj'e' Da'agh» jatlh merIy. tlhaQ wanI'vam 'e' Harlaw'. «bIlugh: ta'mey vIturbogh vIqelqu'be'. vabDot jIvangpa', jImeqQo'. jIvang neH. 'ach jISuDrup. Qob vIlaj. chaq gher>ID qab vISIQ 'e' vIlaj. jIjaq, jIHesDI' pagh loD vI- ...» jatlh pay' 'e' mev. gheDDaj nuDqu'II'bogh rur. tagha' jatlhqa': «... pagh porghIjvo' SutIj vIvIrghDI' bl'IHqu'mo'.» wuSDaj 'eS chop.

joqqu' DenIS tIq. tu.

jatlhqa' merIy: «SengIj'e': tlhoy gher>ID Daqel. bImeqtaHvIS 'ej gher>ID DaqeltaHvIS, wuq jaqwI'pu', vawwI'pu' je—ghantoH: jIH—ghIq nIDev chaH 'e' Dalaj neH; qovIj matlh Darur. SabDI' Hoch, latlhpu' DapIch. jIngoy'Ha' choja'.» pay' punchoH 'ej tamchoH ghoghDaj. Qoychu'meH loQ roDaj tlhIn lavmoH DenIS. «chaq bIlugh. 'a jIwIv jIH'e'. jIngoy'Ha' 'e' vIwIv. qar'a'? jISuD 'e' vIwIv jay'. SoH'e', nIDev latlhpu'. bIHoSghajHa'. qavup.»

mu'tlheghDaj van merIy. tlhepQe'Daj tlhIn ghup DenIS. mIllogh lutmey tlhaQ qImqa' merIy. De' chu' ghItlh tenwal wa'DIch woH DenIS. wolHa'moHta' 'ej raSDaq beQmoHta'.

'oHDAQ mu'meyvam laD:

FORT BEAUREGARD GAZETTE

DIS 1989 jar 2 jaj 15

per bIngDaq 'oSwaI'pu' ghom Qang 'e' cha' mlllogh. mllloghvam retlhDaq  
mu'meyvam ghItlhlu':

*wej beyll' HejwI'pu' ngu'ta' ghan'Iq*

De' ghItlhHom bl'reS laDta':

*parmaq lop jaj Fort Beauregard beyll' wa'DIch luHejta' cha' qabDu':*

*wa'Hu'—jar 2 jaj 14—Fort Beauregard beyll' lu'el cha' HeSwI'pu'. beyll' toy'wI'  
buQmeH Hlch Qachta' 'ej qabDu'chaj So'meH Richard Nixon qab 'oSbogh qab jechmey'e'  
tuQta'. porghchaj tu'qom So'meH qImroq bIr wepmey qargh tuQta' HejwI'pu'vam ...*

*ghuy'cha' Qub DenIS. wepmeymaj ...*

«ghItlhHomvam yIqIm» jatlh. merIy mlllogh lutmeyDaq tenwal wa'DIch lan.

«nuq? Bush? Qang bopbogh De"e' vISaHb—»

«yItbogh nobmeDvetlh vIrIchbe' 'e' DaSovchu' jay'! maH'e' nubopbogh ghItlhHom  
vIrIch, chaboy.»

tenwal woH merIy 'ej laDchoH. Hagh. «parmaq lop HejwI'pu' nupong. 'IH qar'a'?  
vengHommeyvam mach De' chu' ghItlhmey vI- ...»

«mevyap! wepmeymaj vIrIch, toDS—» mev'egh. QuchDajDaq ghoS wa' SuynIj 'onroS.

«bImev'eghta', bIDo'.»

nachDaj tlhIn tav DenIS. «reH latlh qabDaq qul tuj law'Hoch tuj puS. jI- ... wepmej bopbogh mu'tlhegh yIqIm neH.»

«qay' nuq?» jIm. ghIq qa'vInDaj tuj bID tlhuthchu'; pe'vIl bI'chu'. loQ Doj wanI'vam 'e' tu' DenIS. ghIq tav'egh. buS'eghqa'moH. jatlh:

«merly! Daqmaj yIqel! jorjaDaq maHtaH jay'! naDev qImroq bIr wepmej qargh ghaj nuv 'ar? qerjIq rur Daqvam muD'e! qaStaH jar cha' 'ej jajvam cha'vatlh vagh gheH jay'! novpu' chaH beyll' HejwI'pu"e' tugh 'e' tlhoj ghan'Iq. vabDot wejHa' per 'echletmey nov ghajbogh puH Dujmey nejll' ghan'Iq 'e' vInoH. ghaytan wejHa' mebpa'meyDaq nunejll' ... chaq wejHa' mebpa'meymaj vu'wI' luyu'ta' 'ej meb tameyDaj nuDta'. mach vengHomvam. nom nuSam. SIBI' matlheDnIS. nuqopta'mo' pagh, maDo'.»

DenIS 'emDaq wab pun lIng vay'. wab pun mung SovmeH tlhe' DenIS. pa' Qam ghan'Iq yaS. DeghHomDaj bochmoH tamghay'e' butHa' lullIngtaHbogh pa' beb wovmoHwI'mey. tIn lochDaj, chorDaj je. qoghDaj lu'uchtaH HoSghajlaw'bogh ghopDu'Daj. qoghDajvo' tlhep HIch vaH SIBI' 'e' tu' DenIS.

«pagh torSiv yI'ogh; penepQo'. Hoch'e' vIQoypu'» jatlh. «Hoch'e'. Qe'vam bo'elDI' 'ej SujawchoHDI', Sa'IjchoH. Sujum SIBI' 'e' vISov, Saleghpu'DI'. jum Sutraj, jatlhmeH Ho'DoSraj je. 'ej Sutlhup; QuSwI' borur. 'ej—toH! wa'Hu' neH beyll'vetlh Hejlu'ta' vaj SaDaqchoH.»

pItlh. qaStaHvIS nIQchaj Hoch, gher'IDchaj lurIchtaH merly, DenIS je 'ej tagha' HeSmeychaj gher'ID luDIgh. nuq luta'laH? jeylaHba' neH chaH. nachDaj tlhIn tav DenIS.



jatlh'egh «ghuy', DenIS, Sengvamvo' bIHaw'laHbe'.» ghIq ghan'Iq yaSvaD jatlh: «lu', yaS, ma—» 'ach ghaH qagh merIy. nom Hu' parmqayDaj. quSlabDajDaq Qam.

tlhe' DenIS. HIchDaj tlhIn QIqta' merIy. ghe'chu'pu'. jotHa'. naS. Ha'DIbaH rurchoH. vay' butHa' rur. taQ. rewve' chop 'ej ghughugh. poSqu'choH mInDu'Daj. yaSDaq HIchDaj bach. qIpta'. yaS QIDta'. pum yaS.

«chay'?!—» jatlhchoH DenIS. 'ach ngugh quSlabDajvo' Sup merIy. ghan'Iq yaS rIQvo' ngaQHa'moHwl'mey nIHta' ghIq DIImeH yaH ghoSchoH. raSchaj, DIImeH yaH je chuq IIDtaHvIS, Hoch juSbogh buQ. tagha' qa'vInchaj 'ey jabta'bogh jabwI'Daq QeqchoH.

«Huch 'aplo' DapoSmoHbe'chugh, vaj bIHegh jay'!» jatlh, jachtaHvIS. *veqlargh ghaH ...*

lob jabwI'. Huch 'aplo' poSmoHpu' 'ej merIyvaD Hoch Huch ngaSbogh nobpu'. cha'vatlh Da'larmey lutu'lu'.

Huch Suqta'DI', DIImeH yaH DoHchoH. QIt Qe' 'elmeH lojmlt chol.

«chotlhej'a', DenIS?» tlhob, nIQ SopwI'pu' yay'Daq HIchDaj QeqtaHvIS.

lupHom qubbID meq DenIS. ghIq: «ghobe'. not qatlhejq'a', maw'wI' 'Igh.»

Seng yap DIgh 'e' wuq. maw' merIy 'ach lugh: wIvmeyDaj tlhIn turnISchoH. nIteb HeSmeyDaj gher>ID DIghnIS.

«nuch'a! DaynguH DaHutlh!» jatlh, Qe' mejtaHvIS. lojmlt veghta'DI', chalDaq HIchDaj Qeq 'ej wejlogh bach. ghan'Iq yaS puH Duj lojmlt poSmoHmeH ngaQHa'moHwl' nIHta'bogh lo'ta'. ghIq yongta' 'ej SeDchoH. tugh tlha' cha' ghan'Iq puH Dujmey.

qa'vInDajDaq Qeq'eghqa' DenIS. 'oy'mo' bep Sumbogh ghan'Iq yaS rIQ 'ej tlhup latlh nIQ SopwI'pu' tlhoS 'e' buSHA'chu'. chach Duj rItmeH ghogh Habli' lo' jabwI'— «QIDta' HejwI'! chach Duj'e' DaH yIngeH!»

mlllogh lutmey tlhaQ SummoH DenIS. HaghmoH Garfield, Odie je, Bruce Rocket  
je bopbogh lutmey. ben 'ar lut tlhaQ laDpu'? qawlaHchu'be'.

DaH tlab.

pIth